

左海文集

左海文集乙編 駢體文

福州陳壽祺筆

與漳州諸同人書

螺江驛口訪戴何人虎渡橋頭依劉如昨回憶刺桐
坼綠扶荔燒丹晨登巖武之牀暮入郊超之帳三君
八僂客來金馬之門一笑千年人詔銅駝之陌南皮
雅醺仲宣則猶介韶年西邸朋遊今楷則初參末席
一時吳趨妙曲越絕妍詞靡不霧集詩城星馳墨海
矣候蟲掩夕歸燕辭秋風起葡萄人攀楊柳正復躑
躑松闌之路徬徨榕水之瀕悵望停雲淒迷舊雨何

知岐海忽化漏天逢猿亡楚國之灾在燕舞零陵之
日蛟宮噴沫江似壅囊鯉鯁翻波戶真沈甕而况齊
雲亭畔話雨樓邊鵲梁水氣之餘礪塊泥沙之上諸
君子雖無子贛填隄之令僅免微生抱柱之危杜子
美之寒衾無牀不漏高文通之挾策與麥俱漂能無
神意蒼茫旅情刺促哉壽祺彈鋏歸來采藍不見風
嫋嫋而減芳心樹冥冥而搖別思染張衡之翰詎止
四愁觀枚枅之濤尤驚八月嗟哉飄飄身世天地沙
鷗渺渺余懷江湖秋鴈醉憐東野願如蛩蟪之相從
泣下少陵母使蛟龍之易得

上儀徵阮撫部夫子書

弟子壽祺頓首頓首壽祺植根寒門畊舌童目有新
莫荷無錐可立往年釋褐隨班弄翰微祿始霑潔羞
焉奉每念太父篤老二親蚤衰舉室頗領百憂煎灼
違侍萬里茹酸三載音塵甫通寢饋輒廢祺復何心
能戀鴛鴦棧去秋請假生理豫營遂緣烏私上累師長
俯仰忸怩不可為子樞謁光儀過被優渥義高雲天
愛均父子畜眼未睹刻肌誓報臨別感念黯然魂絕
越中棲託舍此安歸額外行役盖非得已緣番禺故
人曩從轂下私予家書謀裨行囊覲效負米以茲奔

波直逼卒歲江瀨激齧餐宿艱辛夕陽無人遠天如
夢怨盈春艸命輕秋蒂餓禽號樹則累歎尸饕餮風
吹袂則驚心無褐不圖十載飢驅之苦乃洎今日而
益深也既抵南粵投謁大府覺羅相公聆善若始惠
風如薰惜星鵲之無枝勸雪鴻之小住北郭杏花明
年有約南海趙德非才待聘然而欲留則蹟同株兔
欲去則情類轍魚息壤虛存心旌無薄固知羊城雖
羨龍門不見鄉環萬軸難忘東閣玻璃十頃不換西
湖中道滯淹豈繫初志然猶冀文身之俗不忤齋冠
孔翠之鄉波其珥戶則經過鄭公之驛亦易送耶溪

之風庸知世味酸醎人事緯繡山未呼癸門先題午
蒼狗易變黃鳥莫穀始歎元亮出門實拙逢時韓君
握籌祇供鬼笑矣幸伊太守來自惠州素心縉綬畢
力部署孤雲得族朋酒彌溫將令坐卧羅浮之間往
來豐湖之上春燕留客秋鱸送歸雖浮梗無根亦絕
潢忽渡但恨刺舟撫軫遠負成連陟屺瞻雲虛戀荀
謂回思絳幄霞局輓扣有似蓬壺船風輒引無緣聽
講愴怳如何惟冀紕書輒寄霜騰馥於謨觴青江可
望指迷津於道筏不勝依慕輕用瀆聞壽祺頓首頓
首

與宋芷沅同年書

壽祺白芷沅同年三兄閣下昨承詩以代東情見乎
詞感波瀾之離合寫魂魄之然疑雖高張尋夢元白
計程揆歟神交易以逾此至於元氣淋漓逼真子美
神骨俱化又不待言不揣譎陋謹用韻裁答二章奉
教左右河上之曲同聲恐其增歎袖中之字累歲冀
其不滅庶州講席稔足下雅不樂就抑天下物性塞
極必通安知城濮北龜報非在邨東海活鮒不遇監
河乎弟頃值某公相招業亦以故謝却相知諸公咸
驛鄙志屬伊太守加我德音執古醇聽篤義磐石開

心推挽約以仲春既望偕赴惠州酹湖水於北門學
士借羅浮為東道主人供養煙霞鞭笞鸞鳳貝璣人
士深託平章蝴蝶仙衣許充橐笥况乃雨離春接彼
濶夢親孟韓雙鳥天假之鳴雷張兩龍神物當合旦
夕把晤豈非夙因比在秋農學使許得誦閣下今體
雅作近十數首力洗鉛華獨造垣宇如危臺突兀哀
聲槎枻怪石爭雲騰猿恨月亦如健兒盤馬飛箭詔
鳴耳後生風鼻端出火又如缺壺狂歌快劍疾舞天
地為之低昂鬼神供其睥睨於戲奇矣雖然壽祺竊
有獻疑者古人謂詩必窮而後工愚則謂詩愈工而

益窮天之氣益益者春屢屢者夏獨惟凜秋蕭瑟懷
慄山川之象巖穴峭露松柏寡生焉湍瀨砭急魚鮪
不游焉何者其壘塊多而渟狀尠也且精金躍冶大
匠詎以不祥衆口抵巇目論狃於多怪願稍留意鳴
以和聲庶干將無缺折之冀元豹有韜藏之妙相知
深相愛摯故感激一道亦所以自砭也精廬水次餐
勝何限嵐雨欲來石氣逾青湖花小隱山門盡綠一
觴一詠亦佛亦僊遙竚烟情方勞雨話遠敷蘭訊抵
湖蕙修壽祺頻首

答陳望坡撫部書

七夕後一日從公子奉到札示敬審老前輩管領湖
山變和暘雨江海夷晏民俗阜安上紓

南顧之勞下騰東部之頌古稱郅畢何必專美於前
也檀河岐海聚首幕府少穆觀察月前抵越美盡東
南何樂如之辱寄賜金當念侍負米之餘歉於薄養
遙分廉俸潤及枯鱗昔晏平仲之於北郭騷于襄陽
之於鄭太穆或由踵門告乞或由遺札相干冠子翼
之於故人許休文之於親族或以居同里閭或以誼
屬葭莩推解之恩見褒前史顧未有道隔數千交無

私語而高荷雲天之誼遠調衡泌之飢且感且慚不
知所報少谷山人氣節文章皆卓然自立而墨跡罕
傳鄴架所儲珍逾拱璧侯公子開篋見付謹當遵命
題跋但筆力孱弱恐無當於大雅耳侍六月中旬緣
慈闈露恙自清源疾馳還里自侍湯藥半月稍差惟
高年脾胃虛弱倦怠少食冀寬時月元氣漸充嶺南
之行亦已中止肅復布謝惟鑒察不宣

與孫制府書

平林尚書制府閣下龍旌東渡五月於茲馳僚光儀
載飢載渴徒以制閫專威戎旃少暇未敢附塵尺素
輕溷鈴嚴伏維閣下以臺陽螳門蝸爭豫防誘煽遠
出重溟戢奸綏衆收義勇以固人心拊難民以安邊
圉黎庶有再生之慶芳慝無乘隙之萌刑賞平均黜
陟明信文武為憲露雷互施宜臺民之倚之如父母
畏之如神明也且一弦不折旦夕廓清使鑿門之帥
不必來帶甲之兵不必調海嶠謐安若無事然是閩
十二州郡之人皆賴閣下之悃懃豈獨麟洲鯁壑左

餐右粥而已哉推論功德將與方蓬比魏裨瀛等廣
孰不謂然然而幕府軍書久勞海外餐風沐雨險阻
備嘗閣下之心苦矣閣下之身亦勞矣此鄙人之東
望娑洋而無日不心旌搖搖者也聞此時臺地已皆
案堵惟淵藪間有逋逃以閣下威靈所加遠近咸悅
度彼中結社左言之侶雕題聶耳之夫無不挈妻子
而詣軍門如羌人之於鄧訓依漢使而抱馬脚如疏
勒之於班超當尅期縛醜以獻蘭鐻之前吉語飛聞
直抵建章之上耳行省政事數端羣侯區畫萬衆睽
睽百心汲汲翹祝舳舻之還權仰須臾旃之回車昔

吉甫出師小雅歌之曰來歸自鎬我行永久南仲平
寇詩人勞之曰既見君子我心則降千里之區猶言
日久朔方之返尚惜春遲况持節萬里之塗揚颿十
洲之外部下人民朝瞻雨雪暮聽征鴻詠伯休之就
緒賦山甫之式遙人情之所同也雖在販豎童能
勿占風候水睽睽忍慕者哉郵便肅問起居藉布微
忱伏惟鑒察

為乙酉選拔諸生醵賀古田林生婚啟

昔黃姑下聘曾賒天帝之錢雍伯求婚乞種仙人之
璧矧承儒素能免周章或九四之愆期難五兩之入
幣不俟庭而俟著焉顧我而顧伊然而豈有英雄如
陳平而貧賤誰移厨帳代吳隱以經營蓋論嘉禮之
縟繁固許同人為襄佐矣古田林生鼎卿者探金孕
瑞夢石騰文藻盈芍藥之篇麗匹蓮花之賦而乃雪
廬高卧衡泌樂飢自守泊如外無人事終軍棄繻之
歲甫採茝芹蒨羨擁旄之年始呼麤麴良以伯鸞亮
節稽父求凰仲海高風澹忘卜鳳比遇宗工之拔萃

頻看聲價之增高授管而輒冠儕曹詢名而交推筆
札願復文簫舊館猶寒雪霜子立窮窗仍侵風雨綠
波春泛空歌育育之魚青隴朝晴又感飛飛之雉雖
庶士無標梅之嘆而家人失桃夭之時抑豈湘浦騷
人但媒薜荔孤山處士祇偶梅花乎且夫蘿谷搜奇
而獲未適人之處姊蘭交締譜而逢不求繫之英髦
持此貞操彌成韵事苟同好義宜樂通財欣彼儷皮
佐之束錦良朋好事展議曹之遇譚生名士助婚阮
宣子之資霞仲奚必蕭何主進始賀萬錢孰令裴顧
貸貲更償前直方便早催鸞鳳來下妝樓定料嫦娥

近鄰仙桂笑蕙嶺金隄之句已老陳修美碧雞青鏤
之才新婚萬女豔傳菽苑爭播詞壇謹啟

展議曹事
見太平御

覽

為候官鄭氏節母李孺人請旌狀

竊惟桓嫠厲節高題行義之閭宋母傳經遠拜宣文之慢激揚有過於巴臺旌獎恒光於漆室伏見候官故儒士鄭天麟妻河南泌陽縣知縣大謨亡母李氏蕙蘭比質冰雪為心十九結褵二年破鏡甫聽鳴雞而戒旦遽歌寡鵠以銜哀當正被之覆尸適遺孤之在腹方呼天而飛鵲血乃越宿而墜鳳毛當戶生男僅續隴西之緒小同類祖遂興高密之門李繫燕旌心丸熊刻骨謝武陵之種橋絕南陌之採桑嚴裴植之衣帽製孟仁之褥被靡不芳徽內映朗範外新歸

泉僅五十二齡集蓼凡三十二載半死半生乃孤桐
之委性一子一母則慈竹之成陰在陶侃知名都歸
湛母而曹成作宦蚤背班姬願彰今聞於孀闈宜樹
貞風於綽楔為此合詞籲懇臺下採風下里抗疏
中朝庶幽魂銜感於夜臺苦節式型於震旦謹狀

蕭山湯君墓表

君諱克敬字爾恭一字望賢浙江蕭山人也祖某以孝弟力田世其家蜀中楊季代守一壩濟南伏氏人稱不鬥父奎瑜始自長河遷居西郭戒采蘭而思養效負米而就時長安貴人訪城西之子夏洛陽女子識市上之韓康君未離緇祿能識亡環甫勝紈綺已悟鬪斗終鮮兄弟仍學箕裘種彭澤之秫稻治安平之醅釀承先業也母卒無地以葬乃相度故邱翦刈荒棘義勤負土何必營地萬家吉符筮宅非徒去水百步嘗念墟墓之間過而生哀霜露既降愀然悽愴

於是葺治先塋條具祀典南陽墳域重脩原氏之阡
丙舍墓田遂書鍾傅之帖稷禾缶米仁粟豐於公畦
稻雁麥魚吉圭奉於宗祏君砥道所履周旋中規閨
門所師少長有禮飯則擊鼓會東都之院中內無異
煙榜西陽之間上復置義田百畝嘉與族人以庀吉
凶以振凍餒富非獎重輒捐二頃之田貴匪鄧林坐
散千金之產諸兒與王騫共佃群從待楊憺舉火加
以推計中表宅相外家遂使杯酒之歡罔踈於南阮
練裙之困靡愴於西華其種仁深矣其市義富矣至
如擔簦締契斂袂定交青松可以盟心白水於焉旌

信同邑按察使來君君祖母內從孫也宦遊三十餘載悉以家業委君經紀張堪知已把臂託於妻孥謝混舊貲尺帛登於文簿既按察以事籍其家衆方蔽於疑獄君獨脫於桎羅自非銅行無變金心在中砥廉苦於懸魚執義強於彫虎孰能遇疾風而知勁草飲勺水而易貪泉乎初君與鄉士大夫議修荏山牖及西興龍口閘葉陽在國能助息民王景多藝尤明理水事雖不果識者重之邑人歲以立秋後堰湘湖水溉田輒患毀決君慨然獨任興舉三池主事十月成梁導石洫為濤門瀾灇池為甘澤然後雨渠雲番

徧潤龍鱗豆飯芋羹無悲鵲語今之東陽橋石牖是
焉昔為教作期思之水名父造鉗盧之陂兒寬鑿六
輔之渠張純開九曲之瀆被皆宣猷四國述職中朝
未有位未階於水官名不掛於津吏而能勞均捷竹
利敵沈菜者也矧獨為君子古人所以引慙不宣已
惠前哲所以濟物戾渠高堦弗署樊晨之名石門故
碑莫尋王誨之績尤謙光之極則穆行之遺徽已乾
隆三十三年考終春秋八十有二葬湘湖水洋塢之
原祔王宜人禮也君王珣體短盧植音洪有雪白之
清修有醴粹之至性蹟雖市隱而生璧其躬學僅咫

聞而斧藻其德失不繫心得不形色隨會之家事治
季布之然諾重質行不言諸儒謝其孝謹寬中不校
細人聞而慙悔則夫探應南頓之神金受何比于之
符策慶昌枝裔豈不宜歟有子三人述德縣學增生
次成德次滄三十九年甲午解副杭州府學訓導孫
八人元豐國子監生元彬候選從九品元凱元裕俱
國子監生盤縣學生元芑四十二年拔貢生仕至江
南海州直隸州知州元白元莪俱國子監生以元芑
貴贈君如其官既葬二十有七年甲寅而元裕之子
金釗以第一人舉於鄉又五年而官翰林以余同榜

見託銘幽事揭其宏言從其質嗚呼見范伯孫之執
研輒欲潛然為郭有道而作碑庶無愧色銘曰

上善若水大方無隅縹緲出繭被褐懷珠綰無他腸
塞有陰德福聚一謙訖懲三惑墻東武仲市南宜僚
戴仁抱義激薄停澆士盜虛聲儒欺閭室徒飾春華
不如秋實青鳥奠宅白馬臨塋炳靈鵲印冥照牛亭

大清誥授奉直大夫楊君墓誌銘

君諱瑜字美章其先江南上元人也遠祖允明洪武
間授威遠將軍從西平侯沐英平滇遂家南寧數傳
至方亨為國子監助教羈州夙慧縣舉神童兄弟三
人並著淳行賜建一門三孝子坊馬續七歲通經應
奉五行並下姜伯淮之昆季官爭辟命郭世道之門
閭郡為榜表祖之輝父維翰君成童補縣學生聲雋
一壘志屈三獻白雲在野絳趺被咳奉養二親誠敬
篤備家世敦睦葛藟同根董陽之門無異煙汜毓之
衣無常主有兄早卒鵠原孔懷教養從子恩逾所產

至於康成雖老猶戒益恩齊相既貴動遵萬石寬惠
有禮又靡虛言往者邑中大水道瑾相望君出米輕
糶設粥飼人東海嚴成佐官振卹杜陵韋肱歲活餓
殍生平好義多此類也黔苗蠢動去郡密邇宮城甚
惡鄭陴難守君首捐貲伐石裨助繕完衆志固於金
城三墳齊於蘋壤時守令召募鄉勇備禦堵突倉卒
集事患不足食君輸家穀數百石士皆宿飽軍有贏
糧卜式助邊最高史乘鄴侯轉運尚媿儒冠卒之鋒
蝟斧螳須更殄滅君有力焉以次子本昌官封奉直
大夫春秋七十有六嘉慶十年冬十月丁未考終里

門逾年十二月丁酉葬露蓋州城北河西之原室陳
宜人前十有一年卒合祔如禮子本榮歲貢生候選
訓導本昌乾隆五十五年舉人嘉慶四年進士刑部
廣東司主事本峻與本昌同榜舉人本濬六年拔貢
生九年舉人女一適縣學生湯行義本榮生繡培繡
縣學生本昌生基縣學生本峻生埤連城埤縣學生
本濬生壘埤銘曰

古興賢能教先智仁隣里鄉黨任卹睦婣守望相保
伍聯共親匪獨善身乃助息民君靈鄉閭秀叅髦士
一門肅雍九族綱紀樂喜貨宋黔教食齊活彼魚鼈

波茲犬雞蠢爾苗民逼我滇漢明燭機先勇蹈謀始
蓑城既堅米山豫待國安磐石功存桑梓大耋之嗟
奄喪琳珣哀傾順里行垂敬邇君子有穀允詒子孫
俾熾而昌高其德門

大清誥封光祿大夫儀徵阮公墓碑文

夫甫侯翰周潮神於降嶽于公翊漢延慶於高門古
之毗代作楨冠倫魁能必有靈河千里之源潭根百
畝之蔭所以扶培弓冶佑啓堂構而况孕育伊顏甄
陶周召俾夫勒勲昆吾之冶鏤伐景襄之鐘積善不
以豐約改教忠不以顯晦異其為邁種豈不旺與公
阮氏諱承信字得中一字湘圃其先系出陳留南宋
迄明再徙江淮神宗時有諱嚴者始居楊州御龍世
族別遷劉累鉅麻大姓交推耿純二世祖國祥三世
祖榆林衛正兵千戶文廣高祖秉謙以孫武德將軍

匡衡貴國初貤贈如其官曾祖樞良祖時衡並

贈招勇將軍考康熙五十四年武進士澧州九谿營
叅將

誥授招勇將軍玉堂是始著籍儀徵李信

之家世將檀珪之門武達乾隆五年苗民逆命果毅
敵鎮伏波蕩寇方叔威蠻身先六師功最諸將降苗
數千大帥欲盡殲旃將軍以死力爭所活無算開門
納妻子則鄧訓之恩信依使如父母則班超之威名
仁覃後昆固以篤矣公即將軍季子也蒙清白之業
秉直諒之德資兼文武智若鏃矢少遵父教侍養王
母周太夫人不就試既遭親喪絕意仕進貧時嘗算

行得囊金坐守夜分竟還求者道遺不拾匪因乎滕
撫珠亡復返乃類於趙柔遊宣城民或除夕失火延
數十家公行火所燬助其不給躬同鄭相施焚室之
材地譬蜀市噍食時之雨楚有舊家女窶而鬻於
倡公客漢陽聞之罄資為贖嫁諸士人秉蘭惡其相
棄萃棘諱其不良行露防而男女之訟絕蟬螻恥而
昏姻之命正陽施陰德鄙寬薄敦所謂以產則貧論
道則富者乎嘉慶四年冬十月 朝廷以公嗣子經
筵講官戶部左侍郎授浙江巡撫曰元經術鴻儒股
肱 天室有 制封父承信為光祿大夫戶部

左侍郎加三級且追贈祖考曾祖考皆如制惟我
侍郎學殫天人行蹈忠孝鬱為時棟綱紀東南白屋
執贄之鑒丹書定讞之條仲秋行糜之典大匡洒幣
之政船算桁稅之寬鄭男賈女之惠鄒葉菟首之禮
戈樓橫海之機憂國奉公引綱張目

天子許以一代偉人雅詩歌其萬邦為憲非公之充
宗裕後則曷由韞寶若是安南夷人聯接海盜侵擾
浙東歷五六載舳艫銜尾鯨鯢稽誅侍郎至之明年
六月請鑄巨礮帥舟師禦之松門公日冒炎曦親督
大冶戎器速除軍實益壯既而神風助順夷艘盡覆

不戰而功成一怒而亂沮

君之靈也臣之制也抑亦公之志也春秋七十有二十年閏六月丙申以疾卒於浙江巡撫子舍嗚乎哀哉初公謂孝經以守其宗廟為卿大夫之孝遂建阮氏宗祠以奉春秋其後依

大清會典立一品家廟

以祀高曾祖禰堂室門廡罔不胥餘雷洗祖桓遵校禁喜祭器咸脩圭田惟潔未及釁轔遽違鞠凶彌留之際悽然淚下曰吾竟不能歸奉粟主入廟耶以此引憾於戲孝矣夫人甘泉林氏乾隆十八年舉人大田縣知縣廷和女家授周官之學幼通德象之篇四行

舍章七襄振緒先二十有五年卒某年月日葬公於
雷塘之側與夫人同兆禮也侍郎事畢窀穸悲深霜
露思揚遺義永光幽壤以壽祺叨聞鯉對命表牛眠
循考父之牆恭傳於銘鼎拜橋公之墓感深於過車
銘曰

天興阮門倡之以武招勇狃狃如嵩如虎蠢苗既降
納以心膂九谿有祠歲時歌舞繼世象賢潛曜凝祐
乃生良弼儒者干櫓丕茲師孔美歸董父資敬教忠
百墜脩舉穀人繄人以風以雨浙之父老扶杖撰屨
拜瞻寢門我父我祖厥德仁明疊來異數瞿然若驚

而僂偃俯少壯遨遊帆檣三楚造養子舍吳越齊魯
山川無極霞沓煙語渺然返真明月在宇臧孫有言
明德後祚淳暉懿芬錫羨綿緒寢廟孔曼隴阡則膺
鐘鼎幽明松楸今古

清故臺灣縣丞 贈世報雲騎尉陳君墓碑文

夫勁草當風豈挾百尺之條神鋒截水乃彰千灌之
鏌是故烈士不資貴而委身忠臣必見危而徇節莒
郊涉難非由五乘之賓彭衙從師願稽明堂之典今
見之於騎尉矣君陳氏諱聖傳字授一號薪菴其先
浙江山陰人也曾祖理有陰德官廣西平樂府司獄
遂家焉以長子允恭貴 贈資政大夫都察院左僉
都御史祖廷綸康熙三十九年進士安徽廬州府知
府考齋襄雍正七年舉賢良方正分巡江西廣饒九
南道以廉直稱君其次嗣幼即異人西豪之八子皆

才南頓則五行並下乾隆十五年中廣西鄉試舉人
謁選得四川雲陽場大使丁外艱服闋補福建詔安
場大使充兩省鄉試同考官夷吾禹筭精計於十口
梁肅薦士無失乎八人秩滿例遷縣令忤上官意調
順昌丞歷載十二政以禮成巡撫徐公嗣曾薦其賢
委署將樂縣事尋調臺灣縣丞分駐羅漢門以為半
通黃綬不厭棲鸞萬里赤嵌無妨射鴨乃不數月而
林逆之難作奉檄守斗六門斗六門者臺灣北路要
衝也地故瘠瘠民多散亡內無旬日之糧外無一兵
之援守無渠檐蘭石木弩鐵鐙之備戰無鞬鞍蘭盾

革抉拔芮之資蓋愚者亦知六陌孤軍難摧豨突五
氏貞卜未免龜焦也君乃效微虎之屬私徒為李瑒
之募鄉勇郎基文吏能剪紙而削竿汧邑重圍且罵
梁而縱礮防禦晝夜固扞藩籬引三百之白徒當數
千之鐵脛指王羆之家欲死者來張韋虎之幢有前
無卻雨射營中身仍安坐尸炙城上氣欲橫吞方且
堅壁而走金剛驗鼻而誅孟讓賊雖未滅功已奇矣
然而巴西之將士雖忠湘中之傷亡略盡空拳張而
鼓聲死含玉具而軍焰燄猶復振臂一呼沫血皆起
奮拳見骨被髮叫天賊尋復大至於是鳩邨民百餘

人分兩翼攻之不利或勸引退君期之死日誓不生
還輒策馬負弓矢徑趨賊營大呼曰我縣丞陳某也
因數其罪賊怒遂遇害春秋五十有九憤甘玉碎雖
陽之齒先殘心厲金貞校尉之鬚不汚時乾隆五十
二年正月二十一日也有張啓者感君忠義為瘞君
首故獲以歸幻卑裏司馬之裳張湊得常山之髮元
纁既裂虛歸國子之喪碧血難收孰哭王琳之烈嗚
乎哀哉方君赴賊時僕碩景從亦陷歿小史王青竟
忘身而衛主鄰童汪跼偕投命而死綏可謂忠之屬
矣後十月賊平事聞

朝廷賜金葬祭子世祿雲騎尉禮敝無存之尸而三
襚命顏涿聚之子以乘車嘉斯寵榮光及泉壤五十
七年十一月七日返葬山陰蓬萊山之原禮也初君
遊會稽遇道士授以古鏡曰它日事業於此可鑒及
宦閩中輒對鏡歛歔渡海謂家人曰吾其死於難乎
問其故終不言然則甘卓讖徵鳴櫃照影自知桓彝
兆見占著捐軀前定豈必希鼓吹於一夢擬朱白於
兩門然後挂肉車旁表尸木下哉君有子早殤以弟
聖脩子廣宣為後廣宣今為福建副將王鈐佐以詩
書金印繩其忠孝陰風海曲難尋姑蔑之旗醢酒河

亭每慟由拳之劍既而見予京師託之元石秣陵一尉異時降鍾阜之神宜城二碑來者識南陽之冢銘曰

儒者之勇雄於三軍虎穴敢入忠義為約歆歆賢丞雅族施煒浮沈散曹噤署紙尾鯤身絕島文婪武驕魚爛其間禍生崇朝丞突未黔猝聞桴鼓拔戟一隊倚我贊府位末名卑邨虛卒單金城長戟鑄從心肝守固戰克士怒益倍外援不至竟膏及鐔罵賊聲高歸元歲改軫面如生顏舌尚在光光 卹贈以慰忠魂司勲疏爵亦施後昆勇乃負荷高大其門碑茲毅

烈埒魏昆侖

左海乙集

卷二

二十四

祭王東溟教授文

某年月日泉州府學教授王丈卒嗚乎哀哉翁神峰
內峻道宇外張靜表齋莊動據蹇諤宅心則方者中
矩履道而直其如矢謝光祿之明月門無雜賓王子
敬之寒氊家祇舊物加以言泉飈飛詞條穎豎鋪文
績采織以龍校剖纖析微割如蟬翼囊皋比擁席槐
市掃庭窺島嶼于青峙山前剔莓苔于雲居品畔杜
子春之壽不媿儒林楊伯起之賢宜尊教授遂秉清
源之鐸益崇都講之壇紫帽山栽青箱學古董春精
舍鳴鼓橫經周勣高門裹糧受業公翁雕鏤氣象染綴

化工瞽之以文裸之以藝雖渙所濯練而逾鮮般倻
所翳劇而益緻洵前修之圭臬後進之楷模也孫綽
晚年謝榮軒冕少文多病頤志林泉不圖如鵠之姿
竟應在蛇之識申培被聘之歲僅少其三周磐寤夢
之年尚逾其四嗚乎哀哉某託忘年交拜丈人行蔡
邕怛逝定增文舉之悲謝鳳清才喜見超宗之續薄
陳桂醕庶接蘭暉尚饗

代友人祭其師吳少甫巡道文

鵲火見昏雀風燒夏斜日占愆使星掩舍苦雨登嶠
荒煙渡灞劍躍龍沈衣塞蝶化鳴乎哀哉叔庠妙質
季重清門升華東觀染翰西園蘭臺義府蓬海詞源
才希景伯學匹秋孫乃宿掖垣乃登綸閣匣濕紫泥
階翻紅藥士禮容儀景仁著作鳳藻騰龍鱗霧落
含香伏省持橐趨墀鶴從壁舞雉逐車移馮勤典爵
王蘊褰帷激貪厲競剖疑荆私周置膳夫魏官左士
俎豆嘗聞蒞鷦有制象約髦殘猩唇鱗翠尹鼎論功
堯厨効瑞入題宮柱出賦皇華地空良驥人握靈蛇

洛濱泛月衡麓飛霞搜珍五管訪勝三巴益部觀風
文翁勵學五物無虧九徵善擢銀榜排晴霓裳記樂
精辨天雖麗竊文驚玉鏘蘭綵錦續雲摛言泉醲隳
執圃獵奇學固括羽功懲畫脂銅錫受範杞梓繁枝
道宇中嚴神鋒外拔國倚蕃宣威寄廉察巫峽飛
書錦宮載牽玉節三遊金戈一刮事睽其志官瘁其
神助勦出蜀擾攘過秦馳驅盡命險阻忘身溘然早
露奄此驚塵嗚呼哀哉熊軾淒清龍門想像東山不
歸北斗安仰桃李傷今風霜恨往嗚呼哀哉靈其尚
饗

代徐太守為武昌楊翁誄

乾隆五十有六年夏四月十有一日

誥封武翼

都尉楊太翁卒於鄂渚里第春秋六十有九嗚乎哀哉翁江夏文強關西伯起藏宵練以傳家握金鈴而論古六丁雷電下追玉帳之書太乙星辰潛挾青囊之祕凡兵家月令閩外春秋趙珣聚米之圖劉秩止戈之記莫不腹為篋笥胸有甲兵出入文韜縱橫武庫宜乎班荆皮之才地徵諸定遠封侯柳公綽之家風卜其升平列第長君都尉雙竿舞蔗三箭穿楊降禕節於天中錫鸞書於掌內長松遜此光輝細柳

齊其整暇及官泉州遊擊也雙江笳鼓萬竈貔貅天
邊揮返日之戈馬上射鎖雲之箭鷺門潮白瀉海月
於桐城虎幄星青銷蠻烟於筍水固以簡穡咸聽桴
鼓不鳴忠見忘家敬資事父矣翁怡神家術養道嚴
林濠上非魚方觀秋水庭前大鳥遽墜霜毛都尉素
車阻夫天南丹旆塞于海右搏膺告愼徒跣奔馳某
等未謁寢門同哀梁木鳳臺風冷魚嶽雲沉宿草飄
零何日問丹邱之館空山寂歷有人題黃石之祠誄
曰布露不晞培風斯厚金版世傳玉環天授志在千
里心雄萬夫扶風投筆子雲棄繻潛德幽光後昆克

紹作鎮溫陵虎臣矯矯海山朝霧海水暮濤將軍按
劍蒼天為高人言猿臂生有鳳毛驅馳敵愾歸我公
勞大暮不醒哲人其逝楊塚寂寂楚山掩翳白雲千
里黃鵠磯頭魂飛道苦靈其少留

公祭宮師漳浦相國蔡文恭公文

河圖告謀雒鈴甄貺天畀厯禡

帝得聖相梁山業業漳水瀾瀾銑社晨照鈴旗夕垂
西持丹漆東去長離錄圖佐項仲起臣義家紹九峯
身參八友比伏傳恭方疏得受夢蛟在胸天馬為手
坐第七車訪大小酉蓬觀雲翔花鈴風扣入掌園墜
出擁高旌鄧林伐梓懸圃搜瑛承華旦侍博望春行
津梁善達華實蕙榮近參楓幄高總槐卿司天喉舌
秉國鈞衡壇宇外嚴樞機內斂金心在中白圭無玷
上德若谷與物為春靜殊雌黑動符穆眊南澗風微

北山道薄孤雲自飛靜樹焉託公賦陔華風捐圭爵
黃籍歸滯版輿御洛渴井生泉枯桑得藥社罷王修
風吹子約倦勤者聖勤相惟賢疇辭辟穀敢學求仙
公躋大耋

詔許歸田冬心葆獨霞情動天蒼生待問白髮盈顛
賜詩行矣執手潸然車懸廣德酒致延年微言永念
恩禮洪宣角巾東路徒步斜川春綿綠野夢戀堯筵
國置盤盂壽如旗翼綺里非遙羅城可即公鳳既騫
白雞忽匿遺枕爭藏騎箕未息餘慶賻錢士庶奠食
歸布便蕃輟瓜悼惻榕海咽波松風異色彝鼎弗留

松榆安式岳瀆其神斧藻其德睠午橋莊歸陳芳園

為廣東大吏公祭南昌袁母熊太夫人文

天姥續秋鼎娥掩夜蕙問潛宣蘭儀永謝於戲哀哉
維太夫人月珪比價歸我文達雲軒來迂公先窮約
一介書生賴勤紆織克襄筆耕既登慈榜乃陟蓬瀛
西崑風冷東觀霜明文章報國鏡心至清無憂庚癸
職母經營公後豐華列戟甲第百賓戶填三族波逮
入釐算繆出使荒裔哀樂中年米鹽瑣計執掌忘家
谷神善閉不察雞豚職母匡濟公少孤露依倚慈闈
貧供綈隨貴侍衿褱傳香冬笋駐暖春暉非母之孝
曷鑒其微公老全歸迢遙靈輿典優飾終 詔褒忠蓋

兮甲治瑩綠瓜奠醑非母之明曷旌其慎丁未之春
母來關門左攜少子右抱弱孫九原誓報萬里銜恩
天心愉悅異數續緡徽省雲騫棘庭玉峙郇黍來宣
宓琴閒起大者鼎茵小亦簋匕母曰勗哉母蹈封靡
但寶令名活我暮齒燕晉星霞豫荆風霰去帽爭迎
捧與互醺子竹多陰孫桐並戀母曰懋哉母貪息宴
苟答 國恩我心則忤繫母顧復虬躍鳳瞻蘭臺得
固萬石超嚴繫母徽柔義豐仁博福履來道耄耄自
樂巫閭之珣蓬萊之藥

純皇所賚皮于綺閣象服禕隋龍章煜爚

孝聖所頒被於朱襖方伯入覲載并花翎

皇帝錫類命徙江寧曰爾有母鵠髮星星衣帶一水
白雲可停豈期鸞馭遽登始青瓊樓月黯瑤海花冥
豫章萬林洪都千里執紼恨遲寄鱣伊邇生極榮施
歿光美誄烏乎哀哉靈其饗止

泉州六營公祭成都馬夫人文代

太姥峯傾夫人城圯晨掩星娥夕悽月姊蕙心自閒
蘭問不已悲動柳營韻留繁祉於乎哀哉石鏡青崖
錦江綠水秀毓衿縞香生蘅芷夫人之賢幼而喪妣
零丁弟妹藐焉失恃或擁襁褓或勝環珥叱泣嬖媿
骨肉相倚撫掩矜憐不離尺咫夫人之孝季蘭則似
柔嘉維則雞鳴榔維佐餒北堂脂膏滫瀡承志威姑
奚讓姜鯉夫人之順闕睢是比歸我將軍未逮筭齒
如步陸孤門楣蘭錡如紇豆陵唱隨象珥始從蜀川
至於燕邸將軍入直羽林中壘出率戎行江漢南紀

敵愾橫戈脩我弓矢逐寇如風掃賊若秋楚塞蒼茫
秦關列旆粵嶺崔嵬閩山邇迤鈇鉞威尊岳瀆地歸
婉婉中閨克襄夫子其雨思深小戎義義霜露馳驅
川原跋履陰相勲名顯膺朱紫夫人之仁波及將士
尺籍伍符法令無斁小有蘄茅疇敢逃死樊姬一言
能令公喜三軍謹呼挾纊溫只勝於袍襦惠出十指
夫人之慈澤綿葛藟賈虎三雄薛鳳群起夫人之儉
靡榮紈綺下惠臧獲苟和妯娌象服佗佗魚軒紆紆
錫命崇高台垣密邇如何昊天摧此羸革黯淡巾纓
淒涼盤匝將軍潛然悲不可止於乎哀哉洲德徽音

受茲介祉
梵率天中
迦維國裏
鹿女持花
鸚王延庇
淨土重歸
慈雲萬里
尚饗

威遠李太翁誄代

嶠山之精并絡之靈有隱君子如玉瓏玲不禮白足
不誦黃庭松柏其性鸞鵠其形寒雪挺翠迅飈馭翎
甘懷卞厥式授韋經弓冶無憾檀梨自馨五龍濟濟
一鷗亭亭信齋長公晉江令字崛起式穀惟似黃甲聯翩
牽絲筮仕海嶠迢迢雷封百里初試烹鮮鳴絃而理
害馬都捐驅雞善使清貯壺冰勤飛臺履大吏器之
撥煩是恃自汀及泉行車三徒翬翬我翁備福在躬
龍鱗鳳綵封勅收崇版輿迎養西來甌東雙仙鶴
髮健不扶筇南陔白華蘭饒潔豐庶獄平反翁樂融

融父老持轂翁喜觀風逍遙往返飄若飛鴻條焉兩
夏再詣子舍江山獨游衣帽清暇風水脩塗河魚疾
乍決月沈綿廬扁退謝白露始零遽歸長夜翁之始
至道旁瞻迓童顏碧瞳壯哉郎罷風燭一朝如何怛
化翁豈先知將騎尾箕乃就家替以慰孝思不然萬
里風雲曷期視衣視膳杯鐙手持夜不解帶跼奉湯
糜弟昆迭進齋慄夔夔孫曾滿前頤之色怡灑然返
真谷神靡移嗚呼哀哉豹修其內表戕或碎毅養其
外中槁亦廢大壑歲舟夜半失昧石火電光疇詢大
塊其與公嗣同窻冠佩仰茲典型義方慈愛玉棺忽

下齋聲悲嘅一奠斟漿靈其如在尚饗

祭許周生文

於越山川秀甲神區扶輿磅礴篤生魁儒梨洲遺老
東萬西胡大可紹衣二雲並驅著書滿家騰照江湖
許君繼之前于後喁恢恢六藉衆說為鄂千秋聚訟
岐轍紛拏君探奧蹟洞關昏衢著臚顏恰肯逐鄭車
書生閉戶搜索遺書高談經濟動蹈愚迂君達世務
過於嚴徐禮論治論別扶根株平子神悟妙窺天樞
子雲寂寞斯文自娛榆櫨干函飽味香厨秀羸多能
籠罩萬夫韶齡善病壯歲閒居杜門息影木石為徒
覃思氣耗感艷哀紆精銷燭武肺渴相如君始釋褐

燕臺遇余恩恩引疾自尋遂初南祇眷戀相彼林鳥
粲粲門子白華絳趺余亦請假湖上胥䟽質疑經事
如飢得餽跣奔自北復過君廬送余江干執手踟躕
辛未之春余暫遊吳信宿君齋決旬有餘談保疾作
使我心愉悠悠八霜存問憂愉雲山閒之肝腸則孚
君言身世詞輒欷歔人天煩惱朋舊凋徂塊然獨處
神索魂痛秋士善悲竊為君寘龔生竟天膏桂嗟吁
君方沈綿念及小巫為余定文不鄙皮膚獎其經說
微義能扶比之董浦醇厚為踰欹斜短札墨影模糊
文字因緣它生豈誣九言在耳能不嗚呼欲答秣陵

幽明路殊幾幾縑足渺渺川塗空悲宿草焉置生芻
臣質亡矣攫人遂孤茫茫宇宙誰復相須人生靡常
夕苗秋蛄彭聃奚榮顏冉奚枯君有不死文字元珠
垂光百世壽於盤盂適來適去何有無中宵雷雨
幽峽清虛孤雲流水雪釀花蘇空山拄杖歸來于于
君易簣前一日作詩終篇云峽中只覺森沈甚雷雨
宵來未可尋又絕筆云一枝拄杖沿山遠流水孤雲
釀雪初又戊寅冬至前三日君病亟寄還余所質文
稿附札云讀左海文鈔極爲佩服中間經說數篇足
以扶先王之微義立世宙之大防尤爲不可少之作
通體於道古堂最相近而醇厚過之宗彥已矣記此
數字爲它生文字緣耳
篇中一段全用其語

祭薩露蕭戶部文

嗚乎罕樂陽施景惠陰德鍾離葉陽為民養息古之
仁者行為世則苟非其人名不虛得翁席先基溫良
正直夙掇巍科弱齡修飾詞苑塞芳戶曹舉職中年
退休恬然家食隱於牢盆心行逮國風人雨人春與
物植激薄停澆衆謔悃悃鄉有義舉糜錢萬億惟翁
慨慷冠倫魁特孝邨順里義路禮闕老成典型桑梓
攸式慶流多男穀詔不忒願余後進忘年抑抑申以
嬌媚寫其曾臆日月不淹靈光賸側如何善人疾疢
來逼草木亂投劇於螽斯曩憐同病危幾顛踣余存

翁死子荆所惡邦奎蕭條儒紳寡色冠蓋咨嗟巷衢
哽塞矧託末契能無傷盡薄醕云陳巾冪既拭靈其
遲返鑒此心惻

覺羅恒大夫壽序

夫洪河不藉禱於川增而積石輸其遙澤建木非有
祈於椿壽而曜靈並以升年何者積源深則星能滙
海託根迴則柯自貫時也我同年丈人梅村大夫南
陽屬支陸終舊氏黃帝之子廿五陽鼓同宗蒼姬之
封七十毛聃世采公風神峻舉體貌矜嚴龍泉配其
淵深鵲印傳其忠孝起家戶部貲外郎陞華矜署職
會金曹馮勤之持計精明高構之判詞愜當既而驂
騶暫蹶蘭蕙自芳不廢嘯歌與時消息水流無盡終
迴太液之波花落仍開再暖宜春之樹

公先以事免
家居有水洿

無盡靈花落
有開時之句

天子乃過東門之墓追念鄼侯昇寢邱之田使求薦
氏召賈生於宣室起長孺於濮陽劍有氣以燭天雲
無心而出岫蓋公中免者數年復以先尚書恭愍公

勲入省給事

墓蒙

高宗皇帝謁

無問子孫遂

陵過尚書

命公以

筆帖式

了了今史無踰法興灼灼京師遽升李若筆

一雙而疊握星十五而重臨朝含雞舌之香夕建虎
牙之飾旋補前職出參湖北軍事借箸論兵橫戈討
賊縛黃棒褶斜挂銀刀射金鏐鐔親摧鐵脰遂乃備
防鉤町屯戍夜郎陳立駐於且同唐蒙通于棘道復

出黃牛之峽橫捎青犢之氣擊秦豐於黎邱魔延岑
于漢水奏

聞以功進替糧道簡書宣其勞勤千櫓載其儒風聚
米成竒量沙應變襄陽赫子因堰運糧荊州陶公嚴
城靜柝初恭愍公開府大藩公一試中書一除民部
皆辭官還養曾參遊楚心動即歸素閱省賀面瘦何
惜門盈蘭鐫長來烏鼓之栖淚落蘋筐始就鳩郎之
位視蔡家作郡求謁伏庭王氏之官請假入閤者徒
悔虛補黑衣負慚朱萼矣隨侍楚中有巨賈鳩四萬
金為公壽公卻之父老送錢本報恩於劉寵臣心如

水乃濟美于王陽古人敬問匹繅不書官紙史稱令
子公有同風視遺帛百匹高謝故人懷金十斤直推
舊吏者反覺彼輕蟬翼此重鰲山矣公之莅荊州也
適商羊告地黑蛟為災沈竈息炊廉車公按效王尊
之止宿行汲黯之便宜捐置蔥鷲悉渡魚鼈行部詣
石首村民遮訴某甲壅陂為患立為杖甲而開其陂
約均水於編氓化毒田為甘壤堰題長樂渠署富民
兩鵠足以傳謠九龍為之掩績移守鄖陽嘗以二百
人巡江賊猝薄均州城告急至公疾馳露版虛布風
聲子房之籌運幄中亞夫之軍從天下回車而出徹

夜門開鳴鼓而來大呼兵至卒使疑狐懾竄狂兇潛
奔雖李廣之下馬解鞍劉琨之登樓吹笛不足多也
况麋陽故地稀突殘墟練閱鄉兵繕完郭郭耿恭拜
井士無二心墨翟登城守有九拒至今雖犬無驚蟲
沙自化彘陵黑土消劫火而噓春雲杜綠林掃妖星
而墜地大邦維翰非公孰歸其含粹也如彼其樹勲
也若此是以神與玉環天開金社西垣丹碧蚤登王
洽之年東觀圖書高揖竇章之座韋叡之家三輔至
越盛而多文高陽之子八人得蒼舒而卓冠已賢嗣
香東吉士以嘉慶庚申仲夏為公五十初度時也麒

麟閣上楊柳旗明鸚鵡洲前梅花笛暖香拈萬戶酒
薦九霞親依斗北之車遙拜弧南之曜壽祺等蘭簿
聯交萊衣助舞取蓬池之玉鱸捧出僊厨塞懸圃之
瓊芝種成孝草起居八座人皆祝羅城之侯侍從諸
天公其方玉斧之父

誥封光祿大夫阮湘圃先生壽序

湘圃先生曾通六甲

漢書東方朔傳神仙傳

身是仙宗腹有三

壬

魏志管輅傳

生徵壽骨醇氣蒸於靈芝

文選養生論

豐祿受

於天稷

張衡天象賦

曩侍郎師儼直

禁近優被

宸眷曾緣查黎之對

宋書張敷傳

垂問黃綺之年退食私家述之歡甚其就養山左則

登闕里之堂泰山之觀靈囀誰華之瑰琦其扶侍越

中則覽胥母之山明聖之湖鳳頰麗江之偉麗

綸綍五采特進槐階昭陽中春甫躋杖國休餒者龍

蹲之淋女

春秋演孔圖

分甘者烏衣之諸舅人咸以是為

公慶而猶未殫其蘊也公躍馬如飛連鴈善射列蕭

育乃名父之子

漢書

毛璩本累將之家

晉書

先大夫拈勇

將軍抗颺宿將

抗颺見蜀志

綏輯殃徒

後漢書南蠻傳

有王渾之

上功

晉書

郗漢之清行

漢書龔勝傳

雖許國忘家而求忠在

孝戒公勿仕善事大毋公勒移無丈

北山移文

陳情有表

晉田文雅子

論衡

虞詡順孫

後漢書

論者多之然而驥心

不老驚情日高

劉希夷詩三山驚鶴情

將生步景之蹠

洞冥記

彌

厚培風之翼

莊子

而後恢張風矩

唐書柳仲郢傳

道啓門基

以父老

堯舜之軀

漢書鄧

演孕育伊顏之緒

昭文選安陸

蓋公

之淵才亮茂

孔融與韋

惟所以翼我侍郎師者徵其

大焉初師生而秀羸

國語

弱不好弄

左公

以為既謝武

達當致文通

觀珪南史

乃謹其青藍荀屏其輦悅法幼

自塾歸嘗口授歐陽公繼因論蘇公代張方平諫用

兵書陳咸戒子議法依於輕比

後漢書

魯稱道訓賦

事咨於故實

國語

師是以斧藻其德

法言

神禪其辭荀

金壁於淵海黼黻於河漢

文選廣

覃思六學

漢書儒

綜摯七志

晉書王儉依

凡西州漆書

後漢書

汲郡竹

簡晉書束

凡將滂喜之篇

隋經

重差夕桀之數周禮

美陽汾陰之鼎

漢書郊祀志

魯郡青州之尊

梁書劉廙不

香傳

經目諳心

文選東

摩肌分理

命

所撰曾子注十篇經

籍纂詁百有六卷闡一貫之奧突總九流之津涉解

經奪五十席

後漢書戴憑傳

入省稱第一人

南史

劉則公殖

學之教雖桓榮傳書曾充持禮

俱見後漢書

無以尚也師

前後督學山東浙江宏獎士類甄藻人倫

後漢書公郭太傳

以為隳括之門多枉木荀砥礪之旁多頑鈍尚書苟

登龍過竣

後漢書

則晞驥安追

法

古人進賈淑于互鄉

拔庾乘于門士

俱見後漢書郭太傳

觀禾則三變

淮南

樹木則

十年管矧茵涸相懸

南史范

豈管蒯可棄師是以聚

沙而雨說苑洗金以鹽論夫九九亦見於庭燎說苑七十

皆括于白屋晉書因翟酺而拓後漢書黌者千室儒林傳就張

興而著錄者萬人後漢書則公鑄人之教法雖馬援誡

伸龍杜漢書後楊準優劣裴樂晉書楊無以尚也嘉慶初

天子優賢揚歷魏都俊艾在官知師經術儒雅

身兼數器漢書薛特命以戶部侍郎巡撫兩浙師年

三十有六公念曼容清宦論石不過六百漢書謝掾蚤

達擁旄尚需四十晉書王令師堅辭焉不獲請復以

為職後漢書權寄良肱徒守雞廉論昌副

龍節且錘石不可拯溺也鄧析子故箴以達政體膠

無厚篇

泰懼其相憎也

見淮南子

故勛以和同官遂使六條察吏

續漢書百官志注

四行興能

後漢書吳祐傳

飭釐金布

漢書蕭明正望之傳

丹筆

初學記刑法門引謝承後漢書

關輕船算

平準書

海息隄繇

史記武帝

紀吏畏之如神明民愛之如父母則公莅官之教雖

考父銘恭三命武侯條章七識

白帖引魏氏春秋

又無以尚

也師撫浙之明年南夷浮海紙台州窺松門是時迅

發戎旃

戎旃見齊謝朓傳

造巨礮做范蠡之蜚石

漢書甘延壽傳

注法孫武之火人

子孫

公觸冒炎歆

歐詩

見監視匠治

牙璋未起雲旌立成

唐書李密傳

復以為伐蛟取鼉者澤

國之政免起鳧舉者兵機之速

呂氏春秋

扉屢親散赤囊

屢馳

漢書丙吉傳

謀符豹韜

淮南子

賞勳鳧藻

後漢書杜詩傳

在幄

中決勝千里

史記張良傳

從竈上騷除一方

李斯傳

遂使樓

船不橫

樓船見漢書武帝紀橫字用秋風辭

鱣鯢已築

龍伯之國罷釣

列鯢人之鄉

不波漢書地理志會稽

則公龔魋之教

謝靈運述

雖俠游濟

勲大耿

後漢書耿弇傳

安石策能二謝

晉書謝安傳

又無以尚也

慈惠若彼明智如此匪直枝葉

之歸美也

枝葉用禮記親之枝葉語

乃所謂資其庭誥肅若朝典

禕哉其克熾厥後者乎

庭誥見南史顏延之傳朝典用世說

且夫雲心

雨人起膚寸而亦霖栢性茂族處巖阿而能蔭人見

公重茵席撫萬石儕榮將謂順風而呼既富方穀庸

知王忱貧賤之日輒修恩惠

後漢獨行傳

駱統弱少之年

已勤任卹

吳志蓋先嘗奔宋壙之火揮管園之金羈旅

四方燠休同類豈與夫踉跄為仁蹙蹙為義可以同

年而語者哉況復綱紀門戶

吳志陸遜傳

推聚昭穆唐高倫傳

贊鳩宗江淮之間營廟甓社之側孔伯本之神祠連

理自長鄭子真宅舍五讓斯崇

兩條出隸釋

約舉數端

可推百善是又陰德所積方受九寸之符

後漢書何敞傳注

陽報不差應享期頤之壽矣

魏書高允傳

昔東都公卿奉

酒太尉之府

後漢書張酺傳

兩序生徒侍宴新昌之第

唐書楊於

陵福門盛事前史稱之然一則田里優游無聞弓冶

一則簪纓先後易侈光榮豈如志潔飡霞功襄浴日

鵲銜金印

後漢書張顗事

代高忠孝之門雀吐白環天大公

侯之祚

後漢書楊寶傳

比壬戌之秋吾師審定樂器鼓鑄辰

鐘吉金既聲夾鐘中律月符攬揆慶歸祇華豫斬多

福綽綽麋壽然則神感於至誠天錫於純嘏非公孰

能當之者哉於是某等挹魯詩而北面先拜韋賢漢書

鄭菊水於南陽代勞伯始

注見續漢郡國志伯始胡廣字

高瞻旗翼

荀近祝門牆壽以琅函書之銀管

涿州盧太翁壽序

嘉慶丙寅孟夏吉日我同年丈人龍友先生及泚配
張安人七十初度先生二子曰圻曰坤乞言鄙人侑
觴稱壽圻坤孝弟同門引重壽祺與之尤相愛也居
既同街出常聯輿密逾雷陳心醉養炬蓋觀願悌之
父書聆延年之庭誥非一日矣近先生歸自江右得
拜牀下習見其鞠躬履方正容悟物精神曉泠鈍聞
條達又見其眉壽無害子孫宜富伯歌季舞公悅嫗
歡然則能言高風莫逾下走安敢以弁陋辭安敢以
虛諛進先生幼丁孤露少暨鋒穎禹筭明鹽鐵之論

均輸助水衡之錢溷蹟陶猗非其好也夫錐方屨囊其末立見鏡無畜影觸形斯照上識者以鯀摘為明無欲者以扃閉為固先生嘗侍赫父作令莊浪是時隴西凋敝歲請發棠募民納粟以實倉廩權宜之政吏緣為奸今到官七十日先生慨然曰河水有伐檀之刺大風興長隧之嗟行父惡賊盜之名封回耻商賈之行孤竹雖廉不如貪泉之勿飲也三閭雖潔毋寧糟醢之勿啜也然而硤硤易缺激激易汙倘衆醉而獨醒則青蠅亂矣惟知白而守黑則黃鵠舉矣乃勸赫父引疾解組王晉平恐富求歸邱仲起見欲不

亂譬忍渴於盜泉之水喻回車於勝母之間無何梁
獄遽興夏刑無赦弊韓公賊罪者坐放官錢與素毅
賄通者悉從吏議而平原獨無鄭默不染有司追案
無累纖芥昔胡威敬問匹綰孝緒不書官紙王駿繼
衣囊之名吳祐懼薏苡之謗門戶所寄恒在子弟方
之先生曾何足重君子曰盧氏之施及後嗣也宜哉
見利思義廉也砥節首公忠也善不遺親仁也慮不
忘遠智也觥觥志節崕略在茲是故觀金心之在中
驗黃髮之受祉縣施之萬能庇本根潔白之華遂榮
跼夢行道有福不亦康乎且夫豐儉者時也贏絀者

力也富如樊重遂能數世共財貴若晏嬰乃得三族
延澤而先生自大阮歸田北門嘆室責專家督身荷
門基許文休之中外同其飢寒吳悉達之弟兄均其
勞逸不必效許武之割產而昆季成名未嘗求薛包
之異居而田廬無戀宗族鄉黨人無間言足以上息
駟豐之爭下媿高陵之訟是故我黻子佩為範乎閨
門讓棗推梨克敦乎枝胄焉或謂先生深中夙敏懿
性貞實謏謏勁松之風落落端貳之器而少羈塵鞅
晚枕家園鸞駟未飛鶴心何寄不知泰山之雲巖岫
而子雨之功成明月之珠在淵而燭夜之耀遠濟時

者才才尊而時不必遇積慶者行行懋而慶有必鍾
先生義方之教高謝羸金錫命之褒煥同衿玉與
夫古人以清白遺子孫以質行高齊魯雖顯晦之跡
不侔而束脩之規何間又況令子騰聲東觀翔步西
曹竇伯向綴校理之文李職方宏準繩之紀他日內
車樞轄外總綱條恬裕得於家風庶慎守其門法保
魯之宇終文之綸以彼易此所得孰多者哉既復吾
友遂書以為先生壽

潘運使六十壽序代

今上握乾符闡坤珍萬物由庚太平既醉凡厥好德
近光之倫罔不亮章圖書數錫提福而南海潘君以
家貲助官

朝典甄叙予運使銜以風天下拉高在鄭急代犒師
鍾離居齊能助養衆彭志筠之絹布榮酬美爵烏氏
羸之朝請尊比封君賞善旌庸蓋足述焉始余叅樞
密君伯兄毅堂亦官中書簪橐餘閒頗談門緒問陳
紀以及季方見僧彌而思法護固以鉅下二卿並溢
安陵之譽騏驎千里蚤諳正禮之才及余總爽鳩之

曹察依烏之位而君長子正亨舍香握蘭式敬雲司
淹雅英多益徵風類因以君與顏恭人孤悅之辰乞
嚮龍文懋揚縻壽余謂君夫移鄂韓丹穴毛駢恭人
佐餒邕和鳴環靜好州閭所耀未盡英聲請表誼能
庶榮華來今夫肯構者戒勿棄基析薪者期克負荷
君之先閩人也先資政公始遷嶺南保世滋大少伯
在陶自號朱公細胡入蜀遂家郫縣同飢寒者九族
拚餓殍者萬人吳明徹之穀歲共鄉家劉善明之田
人呼續命陽施夜行事不勝舉然使士謙遺惠無繼
於趙郡全琮奉教徒存於吳船將積善之既衰遂今

名之損損君以終賈之年席程羅之富任卹有加率
循無怠風人兩人衣我食我樂喜以厚施長世樊重
以博濟昌家可謂孝于惟孝式穀似之矣昔劇孟任
俠藉顯於條侯樓護稱豪納交於貴戚此徒附影驥
旄竊價虬戶亦有睚眦郭解魚肉原涉惡生乎瘡痍
釁興乎萑菲君丁氏之粟可食三軍萬章之名招忌
京兆嘗為大吏私憾訐奏罰金萬鎰翻荷

聖恩特予原免卜式見抵當塗而天子知為長者徐
耕交推時議而元嘉賜之詔書日月所照容光必通
魚鳥之情翔泳知感苟非義形於內忠結於上得不

挺心失不表色惡能履險如夷轉禍為福若斯耶可
謂鼓鐘于宮聲聞于外志無誠而不格行無隱而不
彰矣徐聞合浦犀貝充闡漲海黃支金繒互市上資
大府之均輸下代屢人之斂布鯁人鯨客豈質劑能
平言鳥軀岷則錐刀易失故惟孟嘗治郡曾返玼珠
任延莅官始知禮教君位謝銅墨術遵計倪淳制不
衙權會無偽推髻傾心繡裳倚手倘令跡辭市隱名
挂朝籍必復能埒龔黃行高桑孔而李通不樂為吏
少游願稱於鄉穆衷清尚州鄙是式已加以家擅園
池性耽文酒弋鴻釣鯉樂仲長之言崇岫茂林諧應

叟之志每當雜花生樹蕪腹欲霜鷗波不驚鷗柑孤
賞至如中散賦詩斜川染筆懷人江上暮雨瀟瀟睡
燕春寒梨花寂寂納溪風而緬蓮社吟水月而嘲蛟
龍略舉雅篇足賅清製此又逸情雲上縹緲星稠者
與夫紹衣克家德本也正直親上惠迪也推誠鱗介
孚嘉也委懷夷白天遊也兼斯四善宜介純嘏稽翼
斯之詩以作朋為頌饋醑之禮以憲乞為常然則美
意延年充符在德方將採汝南之月旦傳襄陽之耆
舊冀以章志貞教厚俗明倫何必屈伸偃仰遠效容
彭蒲輪桃枝始拜更老也哉

代徐兩松巡撫為孟瓶菴先生六十壽序 庚戌

昔東國招師荀況三為祭酒西巖築館次宗再入延
賢錄教授者九千人高推樓望釋春秋者七十事爭
問謝談蓋師立而善多亦德高而年邵也至於以草
堂逸老作儒林丈人借槐市之詩書斜鏡湖之歲月
則我瓶菴先生有焉先生靈泉聖水秀絕神區綵屋
縵亭祥鍾耆弁手成鳳蠟齊幼慧於僧虔文記驪珠
作省元於馬植遂乃看花 鳳闕 賜餅龍池簞羽
金鑾蜚英玉署曉星視草宋子京人望神仙初日射
花元微之衆呼才子已而地澄藻鑑 帝知得信

遂清才稱銓衡僉曰非蘇不可直依烏之府照我玉
山趨畫鶴之廳濯人冰鏡於是皇華出使赤雅觀風
桂嶺雲來萬里則駢鸞飛翥棘闥月靜重門則立鵠
續紛羅翡翠於炎州搜珊瑚於漲海辰山按節癸水
含輝雲旆移夫錦江星軺臨於玉壘人觀北海士祝
南豐白雲迎旌節之花丹露沃文章之草竒傳相馬
空羣者紫燕桃花枝薄雕蟲受斲者青牛文梓無何
宏景投簪簪季真解組上李密陳情之表符謝安高卧
之年尋經素韞以居憂彌願白衣而請老蓋自右軍
誓墓祇規虎尾春水亦從西鄂歸田惟說馬蹄秋水

烟霞栗里新標五柳先生月露蕭齋競訪七松靈士
加以地名孝里居作廉泉儉止三梧清聞一絹季才
親故散之者萬縑平仲衣裾給之者三黨此所以聞
馬威卿之義行姓名先溢於安陵見庚桑楚之風流
俎豆欲興於畏壘也若夫鼇峯講道馬帳橫經坐春
而杖履亭亭立雪而笙歌瑟瑟則有過庭前爽侍坐
彭宣問字杜林受詩轅固靡不程其規鉞鑄以社稷
酌天漿則旁熾神漢織雲錦則下濯睢川胸吞夢澤
而鏡九流手擘華峯而拙五岳是誠季和師表汪如
千頃之中有道人倫邈若重霄之上者矣嗣曾持幢

楓嶺建節榕邦親擁篲於鵝湖屈下帷於鹿洞孫陽
殿內屢選驂騑楊震關中車來鸛雀信見神州桃李
徧繞公門喬嶽松筠並榮晚歲蒲輪裹綠他年再召
申培芝圃鋤紅何事虛矜蔡誕

代座主平湖陳光祿壽李同知八十序

君藤山望族榕嶠清才挾書而麥忘其漂握牒而柳
勤其緝王褒講德早傳文學之名孟喜譚經宜中孝
廉之選爾乃雲衢掩駿天綱収才始以鄒行之遊燕
遂作文翁之宦蜀孔君魚之治行先莅姑臧王子贛
之賢聲應居安定始任榮昌縣事再任大足縣事鷗
兒山下烏雀秋馴鴨子池邊蛙魚夜靜行車麥秀雲
通苦竹之清谿卧閣花深春滿海棠之香國景使君
安巢之化志於華陽閭明府送錦之風傳於益部且
夫干將之器試之盤根錯節則彌神騏驥之材縱之

慕澗注波而倍奮今使才非杜預疇諳武庫之奇人
遜江湛劣得書生之號則攻廩邱之郭猛顧而顛登
鐵上之車羅牴而伏豈止簡書之誤並慙甲冑之容
迴視先生迴超俗吏徃者金川傳箭玉壘飛書夜郎
存自大之心叩祚有未通之路 皇威斯赫 禁

旅徂征渡瀘薄孟獲之城平蜀用岑彭之將時前四
川總督富公為征西副將軍鈴閣常招佐吏柳營不
少賓曹君負弩先驅持籌善計相逢從事群問羅含
長揖叅軍遂留孫楚星依虎幄論兵大夏之西烟接
蠻叢轉粟青天之上師韓滉舉囊之勇萬士爭行倣

寇恂輸輦之勤三軍宿飽泊夫雲中簫鼓朱鷺歌饒
雪外旌旗白狼結駝牛絕徼拔山無假乎五丁露
犬窮荒歎塞直逾乎萬里雖元老之壯猷克奏而屬
僚之勞勩居多以軍功除德安分府牂柯既定陳立
徵於京師板楯初降程色起於計吏五色棒風稱部
尉六百石即號端僚王祥頌其外康黃霸欽其內敏
楚王觀獵之地狐兔潛藏禹貢作人之鄉桑麻互種
此則題輿望峻獨推展驥之能泥軼風清堪佐懸魚
之節者也既而易雄謝職自嫌久處上綱陳顥還家
咸歎榮施宗黨秋風乍起便討葦蕖夜月歸來閒尋

菊徑萬石君之子弟必肅衣冠陶貞白之山林無耽
松木擬諸攜酒登巘挂巾垂枝裁小隱之詩著遂初
之賦言念古者殆其人乎僕再擁星軺重遊海國尋
春花於河陽縣內識紫氣於函谷關前舊因文舉之
通家深稔汧公之清尚坐說藍田生玉拭目於南金
東箭之間行看青簡定仙拍肩於四皓八公之側

代孟弋弋夫子為謝蘭臺六十壽序

同年謝蘭臺宏微有林康樂為兄釋褐中年牽絲大
邑青袍乍染新采杜母之鄉墨綬才紆舊借冠君之
地吳季重行車之暇閒奏笙簫潘安仁聽牘之餘惟
栽桃李預河堤之屬吏按山海之幽經摘槁乘標蹇
焚捷竹秋帆千里遙連瓠子之宮春漲三篙不斷桃
花之水已乃崎嶇九折叱馭而行縣丞三巴鳴弦而
至錦官火夜廉公若賜寒襦縣竹衙時闕憲何來拾
錦凡斯治行式著循聲遂使呈計簿之賢能降
璽書而慰勉胡司徒抗疏必登劉矩之名袁太僕廉

曹先上魯恭之狀以卓異徵為都察院經歷綴行鷄
鷺暮宿烏臺接武夔龍晨趨柏寺朱帷霧徹陪蒼珮
之崇班白筆霜飛熟青箱之故事尤喜者荀朗陵停
輿之下偶戲虬龍陶彭澤漉酒之時紛攜棗栗長君
鄉貢士震談經折屣好學亡羊韞史殘編乞從破衲
竹書斷簡搜自荒塋誠天半之劉訐月中之闕澤也
余以紀羣之交誼重為孔李之通家呼子慎於壁閒
見孔明於牀下為言陟草尚隅宮槐垂慶日以稱觴
欲望雲而舞綵乞歌南飛之鶴遠託北嚮之鴻寄語
西臺須知東野思君莢節月明萬柳堂前寫我芝函

春到二梅亭畔
君從祖古梅
先生舊宅

壽內閣學士汪君文代

黃海之顛有容成之仙宅焉紫陽之奧有徽國之道
林焉地以斗星為野山則蓮花作峯群泚攸鍾異材
斯挺而况數黃閣掌綸之地最近台衡憶霓裳同詠
之年交推仙長居同輦轂三朋頌於奚斯國有魁者
萬事問於伯始者哉洪惟閣老同年閣下遇際雲龍
名齊星鳳蔡邕稱黃綃之詞張鷟中青錢之選承明
待詔先賦甘泉治亭記夢寔懷匹錦尋即候景花磚
蜚英玉署西垣清秩衆知枚乘之才東觀鴻文高踞
寶章之座既而來儀博望列案承華晁家今讓其智

囊徐士秀黜其宮體山濤履道綽有古人之風匡鼎
傳經堪受公卿之任及乎槐花秋賦苑李春官修禮
為羅量才以尺鸞皇杞梓舉集德輿之門千莫豪曹
必經辟燭之鑒雙日隻日鳴鈴每聽於瑣闌門下門
生傳益已盈於詞苑登任彥昇之座謂陟龍門入盧
子幹之堂如窺馬帳若乃金泥玉檢圖書開東壁之
宮綠字青文典冊企西崑之府藏諸虎觀守以龍威
時刊太學之碑恒防羽陵之蠹自非手為天馬心擅
雕龍何以旁訂玉杯上摘金版君則掌故蘭臺簪毫
芝苑荀顗之釐舊典首正六官劉歆之校遺書編成

七畧畢作士並作朕冀禹作司空在臣為謨晉之乘
楚之禱杞魯之春秋其文則史靡不干門萬戶畫地
為圖二首六身布指成算雖使蕭琛之證瓠史束皙
之攷竹書語厥三長曷云逾此是以游躋卿月妙簡
帝心析典容臺端居禁闥疑而未決則問崔君
如何倚以無憂則曰傅公在事夏侯肅肅群瞻宗廟
典彝魏舒堂堂洵屬朝廷領袞當官既懋在私亦勤
風人雨人上德下德洽鄭君三日裝何嘗千里齎糧
得劉公一紙書賢於十郡從事尤穆行之芳型淵衷
之極則然則慶昌枝裔壽領聲聞仁者所獲不亦冝

乎乃者冒卯書年生申朔嶽桂枝先折首見寶儀登
籍之榮松柏後彫適符卓茂封侯之歲某等昔同題
塔今共瞻孤韓李同年君皆弟畜常楊巨業古有師
資紫陌長春方指青雲而騁路
彤廷多壽更扶
黃日以中天是為序